



Orihen musika taldea:

“Zoragarria da ideia bat abesti bihurtzen denean”

2013ko udan sortu zen Orihen, duela urte erdi eskas, kontzertuak emateko xedearekin. 18 eta 33 urte bitarteko bost gaztek osatzen dute taldea eta rock-punk eta hardcore melodikoa nahasten dutela aitortzen dute. Dagoeneko 4 kontzertu egin dituzte: lehena Getarian, azkena Legazpiko Gaztetxean, eta 2014ko maiatza bitartean beste 10 bat kontzertu lotuak dituzte jada, ‘Primer latido tour’ biraren baitan (Euskal Herrian, Errioxan, Ávilan edo Salamancan, esaterako). Azken zuzenekoa, momentuz, maiatzaren 17an eskainiko dute Ermuan, Vertigo Rock jaialdian.

- Nortzuk osatzen duzue Orihen?

Andonik baxua jotzen du, Maialenek eta Moshky-k gitarrak, Mikelek bateria eta abeslaria Cillo da.

- Herriko musika taldeak ezagutzen dituztenei, izen batzuk ezagunak egingo zaizkie...

Bai, beste talde batzuetan ere aritzen garelako: Andonik baxua jotzen du Red Blazen eta gitarra Stai Zitto-n; Maialenek Egaran jotzen du; Mikel Guerrero Stelarren aritzen da; Cillo Insohmioko abeslaria da eta Moshky-k baxua jotzen du Storbaisen eta LPCKo gitarrista ere izan zen.

- Eta beste talde horiek ez dituzue alde batera utzi?

Ez, neurri handiago edo apalagoan, gure beste taldeekin jarraitzen dugu denok: Orihen guztien osagarri da. Gure taldeek oso estilo markatua dute eta horietan egin ezin dugun musika egiten dugu Orihenen. Beste estilo batzuei tartea egin eta konposatzeko modu berriak probatu nahi genituen.

- Zerk batzen zaituzte?

Gehienbat, jotzeko gogoak.



- Zergatik Orihen?

Origen izena ipini nahi genion hasieran, baina Asturiasen beste talde bat zegoen izen berarekin. 'H'-a 'G'-aren ordeztu ipintzea erabaki genuen orduan, nahiz eta berdin ahoskatzen jarraitzen dugun. Taldea sortu aurretik ere, bagenuen izena aukeratua eta horren bitartez zera adierazi nahi dugu: musika maite dugulako sartu garela honetan, eta instrumentuekin bihurrikerietan hasi ginenean bezala sentitu nahi dugula, beste taldeekin lehen kontzertuak ematen hasi ginenean sentitzen gi-

nen moduan... Ondo pasatzeko jotzen genuen orduan, gure musika nork izango zuen gustuko pentsatu barik. Gure sustraietara bueltatu nahi dugu.

- Nola definituko zenukete zuen estiloa?

Rock-punk eta hardcore melodikoa nahasten ditugu. Bakoitzak gure estiloa dugu, baina talde batzuen zale gara denok: Berri Txarrak, Rise Against... eta neurri batean, euren eragina du gure musikak ere. Hala ere, ez dugu baztertzen egiten dugun beste ezer eta sortzen den 'koktela' ikustea gustatzen zaigu. Zoragarria de ideia bat abesti bihurtzen denean!

- Nola sortzen dituzue abestiak?

Lehen bi edo hiru abestiak Moshky-k, Maialenek eta Cillok egin zituzten, Andoni eta Mikel taldera batu baino lehen. 'Demo'aren gainontzeko abestiek, eta sortzen ari garen gainontzekoek ere, beste ukitu bat dute: orain denok egiten ditugu ekarpenak. Andonik zein Mosh-ek 'riff'ak (nahiko aurreratuta dauden estruktura) ekartzen dituzte eta lokalean forma ematen joaten gara: Maialen eta Mikel moldaketekin, Cillo letra eta ahotsekin...

- Erabakiak ere guztion artean hartzen dituzue?

Bai, guztiok egiten ditugu gure ekarpenak eta, zorionez, norabide berdinean gaude. Nagusiek esperientzia ipintzen dute eta gazteek, sekulako gogoak eta Al-

“Orihenekin gure sustraietara bueltatu nahi dugu”



zermik
SISTEMA ELEKTRONIKOEN GARAPENA
DESARROLLO DE SISTEMAS ELECTRONICOS
ELECTRONIC SYSTEM DEVELOPMENT



ZERMIK INGENIERIA S.L. mikrokontrolatzaile bidezko diseinu elektronikoak garatzen espezializatua dagoen ingeniari-tza-enpresa da. Horrez gain, LabVIEW-ren bitartez sistema industrialen kontrola eta monitorizazioa bideratzeko gaitasuna ere badu.

 www.zermik.com

Usaetxe plaza 6-8, behea
Arrasate-Mondragón (Gipuzkoa)
Telf: 943 23 10 12

uriarte asesores ✓

**Aholkularitza fiskala
eta lege aholkularitza**

Komentukoa 3 behea · Tel. 943 179 040 · Faxa 943 179 197
48260 · Ermua · Bizkaia

HARATEGIA - URDAITEGIA

MIGUEL

2012ko BILBOKO
TXORIZO TXAPELKETEN
BIZKAIKO
TXAPELDUNAK

PROBABLEKU 3-943170563
ERMUA



Caperos



Pinxoak · Razioak · Kaxolak · Plater konbinatuak · Ogitar-tekoak
Probaleku z/g (Ermua) 699 292 043 · 636 549 154

boka Musika Eskolan eginda-ko ikasketak eta praktika.

- Zertan eman duzue denbora taldea sortu zenutenetik?

Entseatzan, entseatzan eta entseatzan. 4 kontzertu egin ditugu jada eta harrera ona izan dute. Sare sozialetan promozioa egin genuen eta Kabolamusik Elkarteak Ritxiren laguntza dugu bai promozio zein kontzertuak lotzeko. Urtetako lanari esker, mundu honetan mugitzen den jende asko ezagutzen dugu eta MPR Produktions-eko Txarlyk ere aurkezpen biran lagundu digu.

- Ondo moldatu zarete lehen kontzertuetan?

Oso ezberdinak izan dira. Lehena Getarian egin genuen, oso urduri, eta bigarren abestian anplifikadore bat apurtu zitzaigun. Gure lehen kontzertu akustikoa

ere egin dugu (oso esperientzia polita izan dena) eta bestalde, guk, Vertigo Rock-ek eta Gurutze Gorriak antolatutako elkartasun kontzertua egin genuen San Pelayon. Beharra duten umeentzako 200 jostailu jaso genituen. Azken kontzertua, berriz, Legazpiko gaztetxean egin dugu, urtarillaren 18an, Nafarroako Khaus taldearekin batera, eta orain arte egin dugun kontzerturik deskafeinatuena dela esan dezakegu.

- Oso arin hasi zarete zuzenekoekin, ezta?

Bai, hori nahi genuen hasieratik eta 5 hilabete baino gutxiago eman genuen lehen kontzertua eskaini arte. Gaur egun 50 minutuko zuzenekoak dugu, guk sortutako 6 abestirekin eta 5 bertsioekin. Hurrengo kontzertuetan

"Albait arinen lehen diskoa kaleratzeko asmoa dugu"

rako beste bi abesti ere prest ditugu jada.

- Lehen aipatu duzuen moduan, demoa kaleratu duzue?

Bai, Interneten dago entzungai eta horrez gain 150 CD kaleratu ditugu. Edizio sinplea da, eta 3 eurotan eskuratu daiteke, gure kontzertuetan edo Internet bidez eskatuta. Gure 'bandcamp'eko orritik ere deskargatu daiteke doan, edo donazioa eginez, baten bat eskuzabal sentitzen bada.

- Nola grabatu duzue maketa hori?

Guk egin dugu. Nahastemahi batera 'mikrofonatu' genuen ekipoa eta grabazio 'gordin' horiek etxera eramane zituen Cillok. Ordu asko inbertitu zituen abestiak prestatzen eta horren ostean, moldaketak, ahotsak eta koroak sartu genituen. Bukatu genuenean, eta emaitza ikusterakoan, erabaki genuen maketa publiko egitea.

- Zer eskaintzen dizue 'bandcamp' plataformak?

Zure musika ordenatuta izan dezakezu; ibilbidea ezarri; streaming bidez en-

tzun edo deskargatu, doan zein ordainduta; merchandising-a gehitu daiteke... MySpace mugatuagoa zen.

- Zerbait daukazue eskertzeko norbaiti?

Bai, gure familia, lagun eta bikotekideei batez ere. Ordu asko igaro ditugu lokalean eta eurekin egoteko denbora murriztu behar izan dugu. Kontzertuetara doan jendeari ere asko zor diogu, ez gure kontzertuetara bakarrik, baizik eta hasiberri den edozein taldetxo ikustera doazenei.

- Nola irudikatzen duzue zuen etorkizuna?

Disfrutatzeko eta kontzertuak egiteko xedearekin sortu da Orihen eta, egunen batean, baldintza horietako bat beteko ez balitz, desagertu egingo litzateke taldea. Epe motzari dagokionez, bira bukatutakoan, gure beste taldeetan zentratuko gara, uda garaian kontzertuak emateko esperantzarekin. Bitartean, Orihe-
nekin abesti berriak sortzen jarraituko dugu, albait arinen gure lehen diskoa kaleratzeko asmoa dugu-eta.

Dorleta Vidal



AMAIA HARATEGIA



Bertoko Okelak

Probaleku 5
Tfnoa. 943 17 05 84
Ermua

SEHIGA
PROTECCIÓN LABORAL
"LAN BABESERAKO
ORINDURA"

Goienkale kalea (Ermua)
Tel: 943 172 454 / Fax: 943 033 821
sehiga.proteccionlaboral@gmail.com

**NEREA IÑIGUEZ
HORTZ KLINIKA**



San Inazio 4 - Ermua
943 030 512 / niklinika@gmail.com

Artisau-pizzak · Etxeko razio eta postreak



Etxera eramango dizugu!

943 17 67 74 

Ostiral eta larunbatak: 20:00-00:00 / Igandeak: 20:00-23:00